

Staðfesting forsetans á skipulagsskrá fyrir Dvalarheimili aldraðra í Eyrarsveit, Snæfellsnessýslu, útgefin á venjulegan hátt að mandatum af dómsmálaráðherra 20. september 1983.

Skipulagsskráin er þannig:

SKIPULAGSSKRÁ

fyrir Dvalarheimili aldraðra í Eyrarsveit.

Nedanskráð félög, söfnuður og einstaklingar stofna hér með **Sjálfseignarstofnun** sem heitir Dvalarheimili aldraðra í Eyrarsveit, Snæfellsnessýslu.

Eyrarsveit,
Lionsklúbbur Grundarfjarðar,
Kvenfélagið Gleym-mér-ei, Grundarfirði,
Verkalýðsfélagið Stjarnan, Grundarfirði,
Söfnuður Setbergssóknar,
Hesteigandafélag Eyrarsveitar,
Sjómannadagsráð Grundarfjarðar,
Rauðakrossdeild Grundarfjarðar,
Búnaðarfélag Eyrarsveitar,
Leikklúbburinn Grundarfirði.

Eignir stofnunarinnar er fé, er þegar hefur safnast til öldrunarmála í Eyrarsveit, ennfremur framlög stofnenda í peningum og stofnfjárlofordum, svo og stofnframlög almennings sbr. 9. gr. skipulagsskrá þessarar. Eignir stofnunarinnar eru nú í peningum samtals kr. 80 000,00 auk stofnfjárloforða.

Stofnendur bera engar fjárhagslegar skuldbindingar vegna sjálfseignarstofnunarinnar aðrar en vegna stofnfjárloforða, samkvæmt framangreindu. Þó má sveitarfélagið, er gerist stofnaðili að stofnuninni ganga í ábyrgð fyrir fjárhagslegum skuldbindingum stofnunarinnar ef þurfa þykir.

Söfnun stofnfjár er haldið áfram.

Samkvæmt framangreindu setja stofnendur, stofnun þessari eftirfarandi skipulagsskrá:

1. gr.

Tilgangur stofnunarinnar er og skal jafnan vera sá, að veita öldruðum heimilisvist og aðhlynningu og svo góða umönnun sem frekast er unnt. Í þessu skyni veitir hún viðtöku gjöfum og hvers konar styrktarfé, öldruðum til aðhlynningar.

2. gr.

Eigi má selja eða láta af hendi stofnunina eða eignir hennar, fastar eða lausar, nema andvirðið renni beinlínis til þess að halda dvalarheimili eða sinna umönnun aldraðra í Eyrarsveit sbr. 8. gr. Eigi má heldur binda fé hennar eða eignir nokkrum veðböndum, eða skuldbindingum, sem óviðkomandi eru tilgangi stofnunarinnar.

3. gr.

Hvert stofnfélag ásamt hreppsnefnd Eyrarsveitar kýs einn fulltrúa í fulltrúaráð stofnunarinnar og einn til vara. Kosning fer fram á aðalfundi eða aukafundi, sem boðaður er með sama hætti og aðalfundur, enda er þess getið í fundarboði, að kjósa eigi fulltrúa þess. Kosning gildir í 4 ár eða til þess tíma, að fulltrúinn óskar þess að láta af störfum, eða hættir sannanlega að sinna þeim. Helmingur fulltrúa skal ganga úr fulltrúaráðinu eftir 2 ár samkvæmt hlutkesti. Þau félög er ekki auglýsa fundi, kjósa fulltrúa sína, eða skipa á sama

hátt og kosið er til eða skipað í fastanefndir. Fulltrúi Setbergssóknar skal kosinn á almennum safnaðarfundum. Fulltrúaráð skal kvatt saman minnst tvisvar á ári. Það kys stjórn, samkvæmt 4. gr., er tengiliður stjórnar og stofnenda og fær skýrslu um rekstur liðins árs. Fundi skal boða á tryggilegan hátt, með nægum fyrirvara.

4. gr.

Stjórn dvalarheimilis skal skipuð af 5 — fimm — mönnum, auk þess þremur til vara, búsettum í Eyrarsveit. Skulu þeir allir boðaðir á stjórnarfundum. Á stjórnarfundum hafa varamenn ekki atkvæðisrétt, heldur málfrelsi og tillögurétt.

Starfsmannaráð tilnefnir einn mann af sinni hálfu til setu á fundum stjórnar, með sama rétti og varamenn. Sama gildir um vistmannaráð. Sóknarprestur Setbergssóknar skal eiga sæti á hverjum tíma með sama rétti og varamenn, sé hann ekki aðalmaður.

Kjörtímabil stjórnarmanna er 4 ár. Kjósa skal stjórnarmenn saman. Kjósa skal hlutbundinni kosningu, ef tveir fulltrúaráðsmanna óska þess. Formaður stjórnar er jafnframt formaður fulltrúaráðs, og kveður það saman.

Stjórnin skal skipta með sér störfum. Stjórnin fer með öll fjármál og yfirumsjón framkvæmda. Ber henni að gera sér allt far um að efla hag og heill stofnunarinnar í öllum greinum og auka hana og stækka ef þörf krefur og aðstæður leyfa.

5. gr.

Stjórnin ræður sér starfsfólk eftir þörfum. Þó skal hún sjálf hafa yfirumsjón fjármála og starfsfólk bundna prókúru, sbr. 7. gr.

Stjórnin skal árlega gera reikning yfir rekstur og efnahag dvalarheimilisins. Skal reikningurinn endurskoðaður af tveimur mönnum, báðum tilnefndum af sýslunefnd Snæfellsness- og Hnappadalssýslu. Stjórnin leggur síðan reikninginn endurskoðaðan fyrir fulltrúaráðið til afgreiðslu. Reikninginn skal síðan senda samþykktan til sýslunefndar til kynningar, en reikningurinn skal síðan birtur í sýslunefndargerð Snæfellsness- og Hnappadalssýslu.

6. gr.

Peningar þeir, sem dvalarheimilið kann að eignast, skulu jafnan ávaxtaðir í bönkum, eða ríkistryggðum skuldabréfum. Verði einhver dráttur á framkvæmdum skal verðtryggja sjóði stofnunarinnar eftir því sem unnt er.

7. gr.

Fulltrúaráðið setur reglur fyrir dvalarheimilið.

8. gr.

Komi að því, að fulltrúaráðið, eða stjórnin, sbr. 10. gr., sjái sér ekki fært að reka dvalarheimilið áfram, gefi hún hreppsnefnd Eyrarsveitar kost á því að taka að sér heimilið og allan rekstur þess, og yrði það rekið með svipuðu sniði og áður, en hafni hreppsnefnd því boði, fellur dvalarheimilið með öllum eignum þess til opinberra aðila, er sinnt getur þjónustu við aldraða í Snæfellsness- og Hnappadalssýslu.

9. gr.

Gefa skal almenningi kost á að gerast stofnfélagar í Dvalarheimili aldraðra í Eyrarsveit. Í þeim tilgangi skulu gefin út stofnskríteinu er hljóða á nafn stofnfélaga og upphæð stofnframlags hans.

Stofnskríteinum fylgir ekki atkvæðisréttur til fulltrúaráðs eða stjórnar.

10. gr.

Fulltrúaráðið getur samþykkt að gefa nýjum félögum kost á að gerast aðilar að sjálfseignarstofnuninni og tilnefna fulltrúa í fulltrúaráð hennar ef $\frac{2}{3}$ fulltrúaráðsmanna samþykkja það.

Hætti einhver stofnenda störfum (félag lagt niður), fækkar fulltrúaráðsmönnum að sama skapi þegar kjörtímabili lýkur.

Verði félög þau, sem aðild eiga að sjálfseignarstofnuninni þrjú eða færri, eða félögum fækkar svo vegna ákvörðunar þeirra um að hætta afskiptum af sjálfseignarstofnuninni, fellur fulltrúaráð niður, en stjórnin endurnýjar sig sjálf, þannig að 4 stjórnarmenn velja fimmta mann í stjórn með sér.

Verði aðeins einn aðalmaður eftir í stjórn, taka varamenn þátt í vali nýrra aðalmanna í stjórn.

11. gr.

Skipulagsskrá þessari getur fulltrúaráð ekki breytt, nema með $\frac{2}{3}$ atkvæða allra fulltrúaráðsmanna, en þó því aðeins að Stjórnarráð Íslands (það ráðuneyti sem fer með staðfestingar skipulagsskráa) staðfesti þær.

Ef fulltrúaráðið hefur lagt niður samkvæmt ákvæðum 10. gr. kemur stjórn félagsins í stað þess varðandi þau málefni, sem 1. mgr. þessarar greinar fjallar um.

FJALLSKILAREGLUGERÐ

fyrir Vestur-Ísafjarðarsýslu.

I. KAFLI

Um stjórn fjallskilamála.

1. gr.

Vestur-Ísafjarðarsýsla er eitt fjallskilaumdæmi og skiptist í fjallskiladeildir eftir hreppum.

2. gr.

Sýslunefnd Vestur-Ísafjarðarsýslu hefur á hendi yfirstjórn allra fjallskilamála innan takmarka sýslunnar. Sýslunefnd sker úr öllum ágreiningi milli hreppsnefnda út af fjallskilamálum.

Allar kærur og kröfur á hendur hreppsnefndum og hreppstjórum varðandi fjallskilamál heyra undir sýslunefnd. Ennfremur geta einstakir aðilar lagt slík mál undir úrskurð sýslunefndar.

3. gr.

Hreppsnefndir hafa á hendi stjórn og framkvæmdir í fjallskilamálum hver í sínum hreppi eða í samlögum ef svo hagar til. Hreppsnefndir geta tekið nánari ákvarðanir um fjallskil í einstökum atriðum hver á sínu fjallskilasvæði, enda brjóti ákvarðanir hreppsnefndar eigi í bága við reglugerð þessa.

4. gr.

Land, sem fjallskilaframkvæmd undir umsjón hreppsnefndar tekur til, eru beitolönd þau, sem nytjuð eru sem sumarhagar fyrir sauðfé.